



**BOSNA I HERCEGOVINA**  
**VIJEĆE MINISTARA**  
*Generalno tajništvo*

Broj: 05-50-1-1800/10  
Sarajevo, 27.7.2010. godine

|                                                                                                     |                       |            |              |
|-----------------------------------------------------------------------------------------------------|-----------------------|------------|--------------|
| <b>BOSNA I HERCEGOVINA</b><br><b>PARLAMENTARNA SKUPŠTINA BOSNE I HERCEGOVINE</b><br><b>SARAJEVO</b> |                       |            |              |
| PRIMLJENO: 29.07.10                                                                                 |                       |            |              |
| Organizaciona jedinica                                                                              | Klasifikaciona oznaka | Redni broj | Broj priloga |
| 0-50-1-1578/10                                                                                      |                       |            |              |

**PARLAMENTARNA SKUPŠTINA BiH**

*- Zastupnički dom -*

**SARAJEVO**

**PREDMET:** Odgovor na zastupničko pitanje – dostavlja se

Vijeće ministara Bosne i Hercegovine, na 129. sjednici održanoj 27.7.2010. godine, utvrdilo je Odgovor na zastupničko pitanje koje je postavio gosp. Adem Huskić, zastupnik u Zastupničkom domu Parlamentarne skupštine Bosne i Hercegovine.

U privitku dostavljamo Odgovor uz molbu da isti uručite zastupniku.

S poštovanjem,



**GENERALNI TAJNIK<sub>2</sub>**

*Zvonimir Kutleša*



**BOSNA I HERCEGOVINA**  
**VIJEĆE MINISTARA**

Broj: 05-50-1-1800/10  
Sarajevo, 27.7.2010. godine

Adem Huskić, poslanik u Predstavničkom/Zastupničkom domu Parlamentarne skupštine Bosne i Hercegovine, na 78. sjednici Predstavničkog/Zastupničkog doma Parlamentarne skupštine Bosne i Hercegovine, održanoj dana, 25. maja/svibnja 2010. godine, postavio je Vijeću ministara Bosne i Hercegovine slijedeće poslaničko pitanje:

„Kako na stanje sigurnosti u BiH utiču slučajevi bježanja iz zatvora osuđenih ratnih zločinaca?

Ko je odgovoran za takve pojave i šta namjeravate poduzeti da se takvi slučajevi u budućnosti ne dešavaju?

Kako ove pojave utiču na svjedoke u sudskim procesima protiv lica optuženih za ratne zločine, posebno zaštićene svjedoke?“

Na postavljeno poslaničko pitanje, Vijeće ministara Bosne i Hercegovine, na 129. sjednici održanoj 27.7.2010. godine, utvrdilo je slijedeći:

**ODGOVOR**

U Bosni Hercegovini ne postoji kazneno-popravna ustanova koja bi bila pod punom nadležnošću Ministarstva pravde Bosne i Hercegovine, već se kazna zatvora, koju izrekne Sud Bosne i Hercegovine, u skladu sa odredbom člana 226. Zakona Bosne i Hercegovine o izvršenju krivičnih sankcija, pritvora i drugih mjera – prečišćeni tekst („Službeni glasnik BiH“, broj 12/10 – u daljem tekstu: ZIKS BiH), izvršava u entitetskim kazneno-popravnim ustanovama, a u skladu sa odredbama člana 1. stav (6) ZIKS BiH i na temelju njega donesenim provedbenim propisima. Za funkcionisanje tih ustanova i izvršenje kazne zatvora u njima odgovorna su entitetska ministarstva pravde. Ministarstvo pravde Bosne i Hercegovine ima punu nadležnost samo prema Pritvorskoj jedinici na državnom nivou.

Svi segmenti kaznene politike (propisivanje obilježja krivičnog djela, otkrivanje počinitelja, procesuiranje i izvršenje kazne) imaju refleksije na zaštitu javnosti, pravima žrtve i pravima počinitelja krivičnog djela. Svaki od ovih segmenata, ukoliko odstupa od zakonom propisanih procedura i dobre prakse, kod jednog dijela javnosti, žrtve ili počinitelja krivičnog djela izaziva određene reakcije. Što znači, da i svako bjekstvo osuđenih osoba iz kazneno-popravnih zavoda, a naročito onih koji su osuđeni za ratni zločin, kod jednog dijela javnosti izaziva osudu, nesigurnost i nepovjerenje u institucije sistema, a kod drugih nedovoljnu osudu ili šutnju. Bjekstva osuđenih osoba iz kazneno-popravnih zavoda se često koriste i kao instrumenti dnevne politike, što negativno utječe na opću sigurnost u zemlji, a naročito na nesigurnost žrtava krivičnog djela, svjedoka, pa i samih počinitelja krivičnog djela.

Za svako bjekstvo osuđene osobe iz kazneno-popravnog zavoda odgovorne su službene osobe zavoda, koje obično vrše lošu procjenu ličnosti osuđenika i ne preduzimaju sve mjere iz svoje nadležnosti u cilju onemogućavanja bjekstva osuđenika.

Trenutno se u bjekstvu nalazi samo Stanković Radovan, koji je izdržavao kaznu zatvora u trajanju od 20 (dvadeset) godina u Kazneno-popravnog zavodu zatvorenog tipa Foča, zbog krivičnog djela zločina protiv čovječnosti iz člana 172. stav 1. tačke c), e), f) i g) Krivičnog zakona Bosne i Hercegovine. Protiv službenih osoba Kazneno-popravnog zavoda Foča, za koje se sumnjalo da su odgovorni za bjekstvo osuđenika, preduzete su slijedeće mjere:

1. Smijenjen je direktor Kazneno-popravnog zavoda Foča.
2. Privremeno su udaljeni sa posla pomoćnik direktora za poslove osiguranja kao i njegov zamjenik, komandir vanjskog osiguranja, nadzornik-dežurni zavoda i šest stražara koji su direktno učestvovali u sprovođenju osuđenog od Kazneno-popravnog zavoda Foča do bolnice Foča.
3. Protiv svih njih vođen je disciplinski postupak i prijavljeni su Okružnom tužilaštvu u Trebinju. U disciplinskom postupku svima su izrečene disciplinske mjere prestanka radnog odnosa, a Okružno tužilaštvo je krivično gonjenje istih ustupilo Tužilaštvu Bosne i Hercegovine.
4. Tužilaštvo Bosne i Hercegovine je podnijelo optužnicu protiv pomoćnika direktora za poslove osiguranja, dva nadzornika -- komandira i četiri stražara, dok je odustalo od krivičnog gonjenja jednog nadzornika i dva stražara, zbog nedostatka dokaza.
5. Protiv pomoćnika direktora za poslove osiguranja, dva nadzornika i četiri stražara vođen je krivični postupak pred Sudom Bosne i Hercegovine. Iako Ministarstvu pravde Republike Srpske i Kazneno-popravnog zavodu Foča nikad nije dostavljena prvostepena odluka Suda, na temelju informacija iz sredstava javnog informisanja, svi optuženi su oslobođeni od krivične odgovornosti.

U skladu sa materijalnim mogućnostima, entitetska ministarstva pravde preduzimaju mjere iz svoje nadležnosti s ciljem podizanja sistema sigurnosti u zavodima na viši stupanj (izgradnja posebnih odjeljenja za visoko rizične grupe osuđenih osoba, instaliranje vide-nadzora, nabavka opreme za službu osiguranja, prijem većeg broja zavodskih policajca i permanentna edukacija djelatnika zavoda).

Ministarstvo pravde Bosne i Hercegovine je izmjenama i dopunama ZIKS BiH, te podzakonskim aktima propisalo obavezne procedure izvještavanja Ministarstva o kretanju osuđenih osoba. Pooštreni su formalni kriteriji za odobravanje pogodnosti osuđenim osobama, propisane su mjere zabrane ili ograničenja osuđenim osobama za vrijeme korištenja vazavodskih pogodnosti i propisani su faktori za procjenu rizika prilikom određivanja tretmana osuđenim osobama.

U toku su aktivnosti na izgradnji državnog zatvora kapaciteta oko 350 mjesta. Završen je idejni projekat, a u toku su aktivnosti oko uređenja građevinskog zemljišta i osiguranja potrebnih sredstava. Planira se da zatvor bude visokog stupnja sigurnosti i da u njemu kaznu zatvora izdržavaju visoko rizične grupe.